

無錫薛叔耘星使著

庸盦筆記

澹廬居士陳震題

民國十四年發行



總發行所
上海市棋盤街掃葉山房

凡例

一是書於平生見聞隨筆記載自乙丑至辛卯先後閱二十七年所記漸多始自刪存其有精蘊及有關係者復各以類相從不能盡依先後為次諸篇於近世鉅公名人或稱其謚或稱其字與官蓋所述之人生死不同而所稱之官又有前後不同者則以纂述非一時故也若必追改為一律轉失覈實之意所以各仍其舊

一昌黎韓子有云誅姦諛於既死發潛德之幽光茲編亦頗存此意雖不過隨時涉筆而所以挽回世道人心者未嘗不兢兢焉其次亦有裨經世之學惟所書善惡務得其實善者則盡力表章不嫌溢美惡者則慎之又慎必為世所共棄者而後加貶絕焉以附善善從長惡惡從短之義

一是書所記務求夏夏獨造不拾前人牙慧固有當時得之耳聞而其後復見於他書者則隨手刪去亦有一二偶未見及致未盡刪者然各記所聞其用筆亦稍不同矣

一筆記與文編相為表裏凡關係大局之事與其人最可師法堪備史料者既有

一二十篇刊在庸盦文編矣筆記中即不復贅

一史料一類涉筆謹嚴悉本公是公非不敢稍參私見即軼聞述異兩類無不攷訂確實惟幽怪一類雖據所聞所見究覺愴怛難憑以其事本無從覈實也蓋神怪雖為聖人所不語然孔子又曰鬼神之為德其盛矣乎體物而不可遺此天地之功用中庸所謂微而顯也故并錄之

一筆記據平日見聞隨意抒寫亦間有閱新聞紙取其新奇可喜而又近情覈實者錄之以資談助今於新聞紙得軼聞二條述異四條幽怪二條為刪其蕪冗存其簡要各附於本類之後

庸盦筆記目錄

卷之一

史料

裕靖節公殉難

蒲城王文恪公尸諫

劫數前定

納相臨洛關之敗

江忠烈公殉難廬州

科爾沁郡王擒獲林鳳翔李開方

溫壯勇公守六合

張忠武公逸事

李傅相入曾文正公幕府

肅順推服楚賢

巡撫折藩司之謫

庚申杭城之陷

蓋臣憂國

咸豐季年三奸伏誅

卷之二

史料

慈安皇太后聖德

嘉順皇后賢節

日月合璧五星聯珠之瑞

賊犯歲星致敗

威毅伯攻克金陵

李秀成被擒

張洛行被擒

謝忠愍公保衛天津

星變奇驗

多忠勇公薨於藍屋

曾左二相封侯

駱丈忠公遺愛

勞丈毅公善居危城

鄧子久中丞被害

潘忠毅公遇害

任柱賴汶光伏誅

總兵陳國瑞驕暴取戾

左文襄公晚年意氣

樞廷忌滿六人

彭尚書迴翔文武兩途

談相

卷之三

軼聞

四千五百餘年元鶴

鬼神默護吉壤

桂林劉仙巖

穀字碑

學使舊宅

入相奇緣

查鈔和坤住宅花園清單

學政總裁先後甄拔得人

某制軍為乞丐

東方三大

四子書集註宜熟讀

窮達有命

學使以快短明衡文

河工奢侈之風

縣令意外超遷之喜

名醫治中消病

猛藥不可輕嘗

祿命同而不同

讞獄引律同而不同

六指人冤獄

戊午科場之案

良吏平反冤獄

墨吏設誓受譴

早慧不壽

太監安得海伏法

曾文正公輓聯

曾文正公勸人讀七部書

聖武記敘川楚教匪謀篇尚未盡善

盾鼻隨聞錄當燬

庸閒齋筆記褒貶未允

微員食祿有定數

死生有命

戒鴉片煙良法

右旋白螺

孤竹古松

古塚現寶

卷之四

述異

曾文正公始生

左侯相之夢

漢惠帝後裔在爪華島

徐庶成真

郭汾陽王墓被掘

桃花夫人亦夢

馬端敏公被刺

張汶祥之獄

知府被刺

知縣被戕

水神顯靈

賈莊工次河神靈蹟

武員唐突河神

河上旋風

忠靈破賊

已死七日復生

獄囚囚官

開刀殺人

董毒一日殺百四十餘人

愚民含忿輕生

杞工謀財酷報

娶妾得泥佛

雷震總兵

雷殛惡人

雷救人命

劇盜婉言禱雷擊

雷疑

雷殛學徒

雷殛水缸

一日中雷殛三人一死二活

甯遠府城地震

長沙火藥局災

火藥之災

龍陣風之災

己丑八月祈年殿災

太平火藥局災

福星輪船沈沒

輪船失火

中冷泉真蹟

徐州府署中蘇姑墓

湄洲大魚獻燈油

蛟龍利害懸殊

白龍朝山

發蛟

巨蛇出遊

物性通靈

物性相制

雷擊巨蠍

生吞壁虎

蛇跌鼈

永平古蹟

卷之五

幽怪

魁星為學徒換心

亡兵享關帝廟血食

寶應戚烈婦祠

殉難知縣顯靈

浩劫前定

故相索命

大臣某公轉生為光州牧女

鬼罵陳尚書

玩視民瘼酷報

山東某生夢遊地獄

江南某生神遊兜率天宮

漢宮老婢

北齊守宮老狐

北齊李后為地仙

後唐韓淑妃為真仙

神護漢陵

狐仙談歷代麗人

牛太守前生為戰馬

卷之六

幽怪

明相沈文恭公故宅

嫁女爭花轎釀人命

立誓滅壽遊庠

麻姑締姻

扶乩問題

扶乩奇驗

城隍神世故

生作城隍三日

死生前定

蓬萊仙跡

縊鬼為祟

淑靈呵護家人

水鬼白晝拉人

水鬼假冒舢板船

鬼笑可畏

新鬼回家

庸醫殺人有定數

村童夜陪鬼飲

狎遊客遇無常鬼

楊孝廉遇煞神

離婚酷報

鬼魅現形

鬼負壞牆

旅鬼索路憑歸費

鎮江府學署中鬼聲

荒徼人鬼雜處

鬼買糕哺子

鬼欺衰老

東平州牧相尸遇鬼

冤鬼鳴冤

廳署貓精

甯紹台道署內狐蛇

蛇死為祟

巨蚌成精

樹靈報仇

孝子獲福

李遊戎遇魅

蘇州瑞光塔蟒蛇

薈薇崇人

庸齋筆記卷之一

史料

無錫薛福成叔耘

裕靖節公殉難

道光年間靖節公

裕謙

由知府薦擢封圻英銳任事亦頗講求吏治自禁鴉片煙

之事起英吉利陷定海踞之於是林文忠公以兩廣總督被劾落職而大學士文

勤公

琦善

往代其任琦相力主和議許以香港割畀英人以易定海是時裕公已

署兩江總督每論時務慷慨激發堅持清議疏糾琦相之咎而推服林公甚至

廟謨亦已中變褫琦相職逮下刑部獄命將分道出師絡繹赴浙粵諸省而

裕公以欽差大臣馳抵鎮海視師提督余步雲為之副當是時英人因與琦相議

和已議定海而盡調兵船南駛

朝廷遣總兵葛壯節公

雲飛王剛節公

朋鄭忠節公

國鴻

率師駐守裕公所攜制兵四千皆由各省分調時零湊集號令

不齊且承平日久未經訓練實不耐戰余步雲尤恒怯巧滑善結奧援屢冒軍功

加太子少保營外掘濠如淺溝一孺子能踰之遠近皆知其不足恃也裕公駐鎮

海城內步雲駐招寶山一日裕公望見招寶山上有白旗頗心疑之乃勸步雲以

竭誠報國且與之盟步雲偽稱足疾勉強莅盟有一英人名嗚哩以舢板船擱淺為浙民所擒送至大營裕公命生剝其皮并抽其筋以為馬韁呼號三日而後死其聲慘厲異常英人聞之怒曰中國自命為守禮義之國而酷虐不仁如此乎會廣東亦旋和旋戰久無成議英遂馳兵船復攻定海陷之三總兵同日戰死英兵進攻鎮海用舢板船蟻附登岸而余步雲守招寶山之師先潰諸營繼之裕公自投泮池水淺不得死一武弁負之以趨僅得小舟僅與幕友陳若木吳如勃二人退至甯波甯波吏民皆已倉皇驚擾莫之省者裕公自登舟即吞金堅卧不語陳吳二幕友亦惟恐裕公之急切不能遽死次日黎明舟過慈谿縣城幕友往艙中撫之已冰皆喜曰公薨矣遂往告縣令殯殮之余步雲始奏稱退守甯波而英人陷甯波步雲奏稱退守上虞且言裕謙大營先潰以致各營相繼奔逃復奏言聞裕謙率其幕友家丁舟過慈谿不知所往於是

宣宗皇帝諭旨數恨用人之

難謂柔懦無能者既債事而剛果有為者復鮮效也陳若木者以字行宜興人習刑名痛裕公之為步雲所賣也乃代裕公夫人草訴冤之辭遣裕公舊僕赴都察院呈遞而步雲始奉

旨逮問然步雲供辭狡展又素通聲氣朝貴多隱為之

地者獄久不定將待以不死矣刑部尚書李莊肅公振祐堅執不允加以刑訊步雲畏李公之威一一吐實不敢復有所隱讞既上得旨步雲正法而裕公亦獲優卹建祠予諡飾終之典隆焉若木由是名聞江南凡兩江總督到任必早辭厚幣敦請入幕為上賓者數十年

蒲城王文恪公尸諫

道光中林文忠公則徐以

欽差大臣馳赴廣東查禁鴉片煙與英吉利兵船

相持海上

宣廟倚任甚至既而中變

命大學士直隸總督琦善馳往

查辦嚴劾林公革職遣戍新疆盡撤守備與英吉利講和於是輿論譁然皆罵琦善之誤國及宰相穆彰阿之妨賢而惜林公之不用也其後河決祥符上

命大學士蒲城王文恪公鼎臨塞決口亦命林公赴工效力蒲城一見林公傾誠結納且言還朝必力薦之及大工合龍朝命林公仍往新疆蒲城還朝力薦

林公之賢

上不聽是時蒲城與穆相同為軍機大臣每相見輒厲聲詬罵

穆相笑而避之或兩人同時

召見復於

上前盛氣詰責之斥為秦檜

嚴嵩穆相默然不與辯

上笑視蒲城曰卿醉矣命太監扶之出明日復廷

諍甚苦

上怒拂衣而起蒲城牽裾終不獲伸其說歸而欲仿史魚尸諫之義其夕自縊薨是時新城陳孚恩為軍機章京性機警最為穆相所寵任方早朝軍機大臣惟蒲城不到孚恩心知其故乃駕而出急詣蒲城之宅其家方搶攘無措尸猶未解下蓋凡大臣自縊例必奏聞驗視然後敢解也孚恩至命其家人急解之檢衣帶中得其遺疏其大旨皆劾穆相而薦林公也孚恩謂公子編修某曰

上方怒甚不願再聞此言若奏之則尊公卹典必不可得而子亦終身廢棄子而猶欲仕於

朝也不如屏此疏勿奏且可為尊公邀

優旨子其圖

之會張文毅公第亦至文毅故穆相最親厚之門生而亦蒲城同鄉且門生也相與共勸編修編修從之孚恩代為改草遺疏以暴疾聞

上震悼命成郡王

奠茶酒晉贈太保入祀賢良祠孫三人皆俟及歲時帶領引見飾終之禮隆焉孚恩袖蒲城原疏以去返至樞垣呈穆相穆相大喜於是推轂孚恩不十年至兵部尚書軍機大臣而張公亦於數年間由翰林躋卿貳惟編修以不能成父志為蒲城諸門生及陝甘同鄉所鄙棄亦自愧恨遂終身不復出蒲城薨未幾而林公召還復為陝西巡撫世俗皆言自蒲城薨後

宣廟常聞空中呼林公姓名故